



Jens NapätôK'

Inatsisartunut ilaasortat, Naleraq

§ 37 naapertorlugu ilagiit sinniissaasa pikkorissarneqartarnerat pillugu apeqqut nr. 036/2026-p akussuteqarfigineqarnera

06-03-2026
Suliap normua 2026 - 3567
All. nr. 26273405

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Jens NapätôK'

Inatsisartut suleriaasiat naapertorlugu apeqqutitut saqqummiussanut qujanaq. Apeqqutit tullinnguuttuni akissuteqarfigissavakka. Akissuteqarnissamut atugassanik Biskoppeqarfigimmit akissutissamut ilanngussassanik pissarsiniartoqarsimavoq.

Apeqqut 1: *Sooq Naalakkersuisut 2025-imi upernaakkut ilagiit sinniisaannut qinigaasunut suli pikkorissartitsisimanngillat aammalu pisussaaffiusumik ilinniartitsisimanngillat?*

Akissut: Ilageeqarneq pillugu Inatsisartut inatsisaat nr. 9 19. Maj 2010-meersoq § 12 naapertorlugu tassaapput provstit ilagiit sinniisaannut ataatsimeeqqaarnissamut aggersaasussat aammalu pinngitsoorani ilinniartitsinissaq ingerlattussaallugu. Naalakkersuisunit erseqqissaatigineqarsimavoq, ataatsimiinnerit qarasaasiakkut ingerlanneqarsinnaasut, taamaaliornikkut aningaasaqarneq aporfeqannginniassammat.

Kingornatigut ilagiit ilisimatitsissutigaat, piffinni arlalinni teknikikkut annertuumik ajornartorsiortoqartoq, taamaalilluni ataatsimiittarnerit aallartinneqarnissaat kinguartinneqarluni. Ilagiinni aaqqiiniarluni sulissutiginnittoqarpoq, aammalu pissutsinik ajornartorsiunngitsuni ataatsimiinnerit aallartinniarlugit, ataavartumillu ingerlanniarneqartut. Naalakkersuisunit suliaq malinnaaffigineqarpoq, ataatsimiittarnerit pilertortumik aallartinneqarnissaat pillugu teknikikkut aamma suliassatigut pisut pillugit oqaloqatigiinnissamut piareersimallutik.

Apeqqut 2: *Qaqugu Naalakkersuisut aalajangersimasumik qulakkeeriniarpaat pikkorissartitsineq ingerlanneqassasoq?*

Akissut: Naalakkersuisut ilagiinnik ataatsimeeqateqarsimapput qinnuigisimallugillu piaartumik ataatsimeeqqaarnissamut piareersaqqullugit ingerlateqqullugillu. Apeqqummut 1-imut akissut innersuussutigineqarpoq.

Apeqquut 3: Aningaasanut inatsimmi ilagiit sinniisaannut pikkorissartitsinissamut aammalu pisinnaasanik ineriartortitsinissamut naammattunik aningaasaliisoqarsimava – aammalu taamaanngippat sooq?

Akissut: Inatsisitigut pisussaaffiusumik ataatsimeeqqaarnissamut aningaasalersuinerit ilagiinnut aningaasaliissutit iluini ingerlanneqartarput. Ukiumi pineqartumi aningaasaliissutit ilagiit ataatsimiinnissaanut najuulluni naammanngippata, periarfissaavoq digitalikkut ataatsimiinnissat. Taamaattumik Naalakkersuisut nalilerpaat, naammattumik aningaasaliisoqarsimasoq, atugassarititaasut iluini ilinniartitsineq ingerlanneqarsinnaasoq.

Apeqquut 4: Naalakkersuisut qanoq illersorsinnaavaat qinikkat pisariaqartumik ilitsersorneqanngitsumik akisussaaffimmik isumaginnittariaqarnerat?

Akissut: Ilagiit sinnissaasa inatsisitigut pisussaaffiusumik ilinniartinneqarnissaasa pingaaruteqassusiat Naalakkersuisunit nassuerutigineqassaaq, taamaaliornikkut pitsaasumik tunngavissaqarlutik suliaminnik ingerlatsisinnaaniassammata. Ilagiupput inatsisit naapertorlugit ataatsimiinnernik ingerlatsisussat, aammalu ilagiit ilisimatitsissutigaa, pissutsit kinguarsaassutaasut aaqqinniarlugit suliaqartoqartoq Naalakkersuisut suliamut qanimut malinnaapput, tapersersorlugulu ataatsimiinnerit piaartumik ingerlanneqarnissaat.

Apeqquut 5: Naalakkersuisut nassuerutigaa pikkorissartitsinerup amigaataanera ilagiit sulinerannik aammalu pisortat ingerlatsinerannut tatiginninnermik sanngiillisaasoq?

Akissut: Naalakkersuisut nassuerutigaa ilagiit sinniisaannik ilinniartitsinngitsoorneq aamma kingusinaarluni ilinniartitsineq ima isumaqarsinnaammat ilagiit sinniisaasa akisussaaffitsik atorlugu sulisinnaannaanerannut sunniuteqarsinnaasoq tamannalu atuuffinnut pineqartunut tatiginninnermut annikillisaataasinnaasoq. Taamaattumik Naalakkersuisunit pingaartinneqarpoq kinguneqarluartunik ilagiinnik oqaloqateqarsimaneq erseqqissaatigalugulu piaartumik ilinniartitsisoqarnissaa, ataatsimiittarnerillu aallartinneqarnissaat, peqatigisaanillu teknikikkut ajornartorsiutit ilagiinnit atorneqartut tusaatissatut tigusi mallugit.

Inussiarnersumik Inuulluaqqusillunga



Nivi Olsen